


Deepfake ujian kejujuran, integriti umat manusia



SETIAP pengguna mempunyai peranan untuk menyemak, menyaring dan mengesahkan sebarang video atau audio yang diterima mahupun tersebar melalui media sosial.

Antara Januari hingga Ogos 2024, Polis Diraja Malaysia (PDRM) merekodkan 454 kes penipuan menggunakan taktik deepfake dengan jumlah kerugian dianggarkan mencecah RM2.72 juta."

apa yang kamu telah lakukan."

Prinsip *tabayyun* menjadi semakin relevan dan kritikal dalam era digital yang dimungkinkan oleh AI apabila video dan audio yang kelihatan 'meyakinkan' sebenarnya boleh direka sepenuhnya oleh mesin.

Penyebaran *deepfake* yang berunsur fitnah jelas bercanggah dengan nilai Islam. Fitnah bukan sahaja merosakkan reputasi seseorang, malah boleh menggugat keharmonian sosial dan mencetuskan ketidakadilan.

Dalam konteks ini, *deepfake* boleh dianggap

sebagai 'fitnah visual' iaitu pembongkaran yang disampaikan melalui imej, video dan audio. Hakikatnya, imej dan video yang dihasilkan oleh AI tidak mengurangkan tanggungjawab moral pihak yang mencipta atau menyebarkan.

Baru-baru ini, timbul kontroversi yang melibatkan aplikasi AI seperti Grok yang dikaitkan dengan platform media sosial X. Kontroversi ini menyerlahkan sisi gelap baharu permasalahan *deepfake*.

Kontroversi yang melibatkan Grok mencerminkan masalah yang

sama melibatkan AI mampu menghasilkan kandungan yang kelihatan yakin dan berautoritatif tetapi tidak semestinya benar.

Apabila masyarakat terlalu bergantung kepada AI tanpa semakan kritikal, maka risiko penyebaran maklumat palsu menjadi semakin besar.

Dari sudut *fiqh*, persoalan tanggungjawab menjadi sangat penting. Prinsip *al-darar yuzal* menuntut agar segala bentuk kemudaratan dicegah dan dihapuskan. Dalam hal ini, penggunaan *deepfake* yang memudaratkan individu atau masyarakat perlu dikawal.

Kawalan ini boleh dilakukan sama ada melalui undang-undang, etika profesional atau garis panduan agama. Pembangun teknologi, pengguna dan penyebar kandungan masing-masing memikul amanah tersendiri.

Islam memberi penekanan kepada prinsip pemeliharaan maruah (*hifz al-'ird*) sebagai antara perkara yang dijaga oleh syariah.

Manipulasi wajah atau suara seseorang tanpa izin, lebih-lebih lagi untuk tujuan mengaibkan atau menipu, jelas bertentangan dengan maqasid ini.

Sebarang bentuk teknologi sepatutnya menjadi alat untuk memelihara kemaslahatan dan bukan membuka pintu kepada kerosakan.

BERTINDAK BIJAK

Dalam menghadapi cabaran ini, masyarakat Muslim perlu membina literasi digital yang berpaksikan iman dan akhlak.

Sikap mudah percaya, gemar berkongsi kandungan sensasi tanpa usul periksa dan ketagihan kepada maklumat segera perlu digantikan dengan budaya berfikir secara kritis juga beretika.

Pendidikan tentang etika teknologi tidak boleh hanya tertumpu kepada aspek teknikal tetapi juga nilai dan tanggungjawab moral.

Pokok pangkalnya, Islam tidak menolak kemajuan teknologi termasuk AI. Walaupun demikian, teknologi tanpa panduan akhlak boleh berubah menjadi alat fitnah dan penindasan.

Dalam dunia yang mampu memalsukan wajah dan suara manusia, amanah terhadap kebenaran menjadi lebih berat daripada sebelumnya.

Secara keseluruhannya, ancaman teknologi *deepfake* di Malaysia perlu dilihat sebagai satu perkara yang serius. Dalam hubungan ini, kesedaran tinggi daripada orang awam amat diperlukan supaya tidak mudah terpedaya.

Setiap pengguna mempunyai peranan untuk menyemak, menyaring dan mengesahkan sebarang video atau audio yang diterima mahupun tersebar melalui media sosial.

Pada waktu sama, setiap pengguna perlu melindungi data peribadi masing-masing supaya tidak dicuri dan dimanipulasi oleh pihak-pihak yang tidak bertanggungjawab.

Bagi umat Islam, *deepfake* bukan sekadar isu teknologi tetapi ujian kejujuran dan integriti umat manusia di hadapan Allah SWT dan sesama insan.

DR. Shaikh Mohd. Saifuddeen
Shaikh Mohd. Salleh ialah Pengarah Penyelidikan, Institut Kefahaman Islam Malaysia (IKIM).